

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 63/13), člana 26. Statuta JP „Olimpijski bazen Otoka“ d.o.o. Sarajevo - „Prečišćeni tekst“ broj: 01-1-383-5/23 od 20.02.2023. godine i Odluke o raspisivanju javnog konkursa za izbor i imenovanje predsjednika i članova Nadzornog odbora broj: 01-1-350/24 od 23.02.2024. godine, Skupština JP „Olimpijski bazen Otoka“ d.o.o. Sarajevo raspisuje:

JAVNI KONKURS

za izbor i imenovanje članova Nadzornog odbora JP „Olimpijski bazen Otoka“ d.o.o. Sarajevo

Objavljuje se Javni konkurs za izbor i imenovanje 3 (tri) člana Nadzornog odbora JP „Olimpijski bazen Otoka“ d.o.o. Sarajevo (u daljem tekstu: Preduzeće).

I Opis upražnjene pozicije

- Nadzire poslovanje Preduzeća;
- Odobrava pojedinačne odluke strateškog karaktera;
- Usvaja Izvještaj uprave o poslovanju po polugodišnjem i godišnjem obračunu sa bilansom stanja i bilansom uspjeha i izvještajem revizije;
- Podnosi Skupštini godišnji izvještaj o poslovanju Preduzeća koji obavezno uključuje finansijski izvještaj i izvještaje revizora, nadzornog odbora i odbora za reviziju;
- Daje mišljenje Skupštini Preduzeća o prijedlogu uprave za raspodjelu dobiti;
- Predlaže način pokrića gubitka;
- Odobrava kupovinu, prodaju, zamjenu, uzimanje lizinga i kredita i druge transakcije imovinom, direktno ili posredstvom supsidijarnih društava u toku poslovne godine u obimu od 15% do 33% knjigovodstvene vrijednosti ukupne imovine Preduzeća po bilansu stanja na kraju prethodne godine;
- Predlaže Skupštini kupovinu, prodaju, zamjenu, uzimanje lizinga i kredita i druge transakcije imovinom, direktno ili posredstvom supsidijarnih društava u toku poslovne godine u obimu većem od 33% knjigovodstvene vrijednosti ukupne imovine Preduzeća po bilansu stanja na kraju prethodne godine;
- Priprema i predlaže Etički kodeks i druge akte koje usvaja Skupština Preduzeća;
- Donosi Poslovnik o radu Nadzornog odbora;
- Vršiti izbor kandidata Odbora za reviziju i podnosi prijedlog za njegovo imenovanje Skupštini Preduzeća;
- Donosi pravilnike na prijedlog uprave u skladu sa nadležnostima;
- Odobrava plan investicija i cjenovnik usluga;
- Razmatra plan javnih nabavki, provedbeni propis za postupak nabavke i nadzire njegovo provođenje;
- Imenuje i razrješava Upravu-direktora Preduzeća;

- Daje upute direktoru za provođenje preporuka, mjera i aktivnosti u vezi sa uočenim nepravilnostima;
- Izvršava dužnosti u skladu sa Zakonom o javnim preduzećima u Federaciji Bosne i Hercegovine;
- Nadzorni odbor kao drugostepeni organ odlučuje o prigovorima i žalbama izjavljenim na odluke donijete od strane Uprave Preduzeća;
- Daje pisano ovlaštenje u skladu sa članom 42. Zakona o javnim preduzećima u Federaciji Bosne i Hercegovine;
- Drugim pitanjima bitnim za poslovanje Preduzeća;
- Nadzorni odbor utvrđuje pitanja koja su bitna za rad i poslovanje Preduzeća.

II Mandat

Nadzorni odbor Preduzeća sastoji se od tri člana koja se biraju iz reda lica izvan Preduzeća u skladu sa Odlukom o standardima i kriterijima za imenovanje na pozicije u Nadzornom odboru Javnog preduzeća, koju donosi Skupština.

Imenovanje članova Nadzornog odbora vrši se na period od 4 godine, sa mogućnošću ponovnog izbora više puta bez ograničenja, s tim da po isteku perioda od dvije godine od dana imenovanja Skupština Preduzeća glasa o povjerenju članovima Nadzornog odbora.

Članovi Nadzornog odbora zaključuju ugovor sa Preduzećem na osnovu Odluke Skupštine. Ugovor u ime Preduzeća potpisuje direktor u skladu sa odobrenjem Skupštine.

U skladu sa Zakonom i Statutom, na konstituirajućoj sjednici Nadzorni odbor jednog od svojih članova bira za predsjednika Nadzornog odbora.

Kandidati s kojima se ne stupa u kontakt u roku od 8 dana od dana osteka roka za podnošenje prijave neće se uzeti u obzir u razmatranje u daljem procesu kandidovanja.

III Uslovi za imenovanje

Kandidat koji se prijavljuje za člana Nadzornog odbora mora ispunjavati sljedeće uslove:

a) Opšti uslovi:

- da je državljanin Bosne i Hercegovine,
- da je stariji od 18 godina,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu 3 (tri) godine prije dana objavljivanja upražnjene pozicije,
- da se na njega ne odnosi član IX.1. Ustava Bosne i Hercegovine,
- da nema privatni/finansijski interes u JP „Olimpijski bazen Otoka“ d.o.o. Sarajevo,
- da nije osuđivan za krivično djelo i privredni prijestup nespojiv sa dužnošću člana Nadzornog odbora, 5 (pet) godina od dana pravosnažnosti presude, uključujući vrijeme zatvorske kazne, prije dana objavljivanja upražnjene pozicije,
- da nije lice kojem je presudom suda zabranjeno obavljanje dužnosti u nadležnosti Nadzornog odbora,
- da se na njega ne odnose ograničenja iz člana 252. stav 1. i 2. Zakona o privrednim društvima,
- da ne postoje druge zakonske smetnje za obavljanje funkcije u Nadzornom odboru.

b) Posebni uslovi:

Pored utvrđenih opštih uslova, kandidat koji se prijavljuje za člana Nadzornog odbora mora ispunjavati i sljedeće posebne uslove:

- Univerzitetska diploma – VSS (VII stepen stručne, odnosno visoko obrazovanje prvog, drugog ili trećeg ciklusa Bolonjskog sistema studiranja koji se vrjednuje sa najmanje 240 ECTS bodova, dokaz: diploma),
- da ima najmanje 5 (pet) godina radnog iskustva nakon sticanja VSS (dokaz: potvrda o radnom iskustvu),
- da nije direktor Javnog preduzeća,
- da nije član više od jednog Upravnog i Nadzornog odbora,
- da je uspješan u obavljanju na ranijim poslovima (dokaz: preporuka),
- da ima sposobnost za savjesno, odlučno i odgovorno obavljanje pozicije i sposobnost nepristrasnog donošenja odluka (intervju),
- da ima komunikacijske i organizacijske sposobnosti (intervju),
- da posjeduje znanja i sposobnosti razumijevanja poslovnog izvještaja i ukupnog zakonodavstva iz nadležnosti Nadzornog odbora (intervju),
- da ima sposobnost upravljanja finansijskim i ljudskim resursima i naklonjenost timskom radu (intervju),
- da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine („Službene novine BiH, broj: 13/02, 16/02, 14/03, 12/04, 63/08, 18/12, 87/13 I 41/16), Zakona o sukobu interesa u organima vlasti FBiH („Službene novine FBiH“, broj: 70/08) i Zakona o prevenciji i suzbijanju korupcije u Kantonu Sarajevo („Službene novine KS“, broj: 35/22, 44/22 i 55/22),
- da je prošao odgovarajuće stručno usavršavanje kako je propisano članom 252. stav 3 Zakona o privrednim društvima ili da se obavezuje da se proći isto u roku od šest mjeseci.

III Spisak potrebnih dokumenata, rok i mjesto podnešenje prijave

Prijava kandidata treba da sadrži kraću biografiju, adresu i kontakt telefon.

Uz prijavu na javni konkurs kandidati su obavezni dostaviti originale ili ovjerene fotokopije dokumenata koji ne smiju biti stariji od 6 (šest) mjeseci, kojima se dokazuje ispunjavanje traženih opštih i posebnih uslova iz javnog konkursa i to:

1. Uvjerenje o državljanstvu,
2. Izvod iz matične knjige rođenih,
3. Diploma o završenoj stručnoj spremi,
4. CIPS prijava,
5. Uvjerenje o radnom iskustvu u trajanju od najmanje 5 (pet) godina,
6. Preporuka poslodavca,
7. Ovjerena izjava nadležnih organa o ispunjavanju uslova iz tačke III a) za alineje 3., 4., 5., 6., 7., 8. i 9.
8. Ovjerena izjava od nadležnih organa o ispunjavanju uslova iz tačke III b) za alineje 3. 4. i 10.
9. Certifikat o završenom usavršavanju u skladu sa Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala („Službene novine Federacije BiH“, br. 71/2009, 33/2010, 23/2011, 83/2011, 2/2013, 80/2013, 48/2015, 60/2016, 88/2017 i 19/2022). Ukoliko kandidat ne posjeduje certifikat, dužan je dostaviti izjavu potpisanu i ovjerenu od strane nadležnog organa kojom se obavezuje da će u roku od šest mjeseci proći stručno usavršavanje i

steći certifikat o završenom usavršavanju, odnosno dostaviti važeće uvjerenje o svom statusu kao kandidatu u postupku usavršavanja iz člana 7a ove Uredbe.

Pored navedene dokumentacije, kandidat koji bude izabran je obavezan prije stupanja na dužnost dostaviti uvjerenje da nije osuđivan za krivično djelo i za privredni prestup nespojiv sa dužnošću u Nadzornom odboru 5 godina od dana pravosnažne presude uključujući vrijeme zatvorske kazne, odnosno da nije osuđivan za krivično djelo ili privredni prestup-prekršaj koji predstavlja smetnju za imenovanje na poziciju člana Nadzornog odbora.

Ovaj javni konkurs će biti objavljen u „Službenim novinama FBiH“ i web stranici Preduzeća. Dio teksta Javnog konkursa objavit će se u jednom dnevnom listu.

Sa svim kandidatima koji ispunjavaju opšte i posebne uslove iz javnog konkursa i koji blagovremeno dostave svu dokumentaciju kako je traženo javnim konkursom, obavit će se intervju, o čijem vremenu i mjestu održavanja će biti pismeno obavješteni.

Rok za podnošenje prijave kandidata je 15 dana od dana objavljivanja ovog javnog konkursa u „Službenim novinama FBiH“.

Prijave sa dokumentacijom, koje Preduzeće nije obavezno vraćati kandidatima, dostavlja se lično ili preporučenom poštom, na adresu:

JP „Olimpijski bazen Otoka“ d.o.o. Sarajevo, ulica Bulevar Meše Selimovića broj 83B, 71 000 Sarajevo

sa naznakom:

„Prijava na javni konkurs za izbor i imenovanje članova Nadzornog odbora JP „Olimpijski bazen Otoka“ d.o.o. Sarajevo – NE OTVARATI“.

Neblagovremene i nepotpune prijave se neće uzimati u razmatranje.

Broj:

01-7-350-9/24
Sarajevo, 23.02.2024. godine



PREDSJEDNIK SKUPŠTINE
Elvir Hadžiahmetović